

反蓄積也。饋遺聲上求位反下去糧儲二字音摩榆

鬼反碑迦肚竹反驚惄葉反指麾下許異也。

如音裹殺上子委反道殞下搏道餉贈也。

良除音壘不壞也。

策啄上也。被衣只反駢狎伏倒也。

斃反死祭。

飼音寺餓下居只反駢狎伏倒也。

斃反死祭。

頓躡下跳躍而倒也。組索大索也。

棧道助上西音近也。

淚急反同前水流急見立也。淹一益反乞丐下許近俱也。

捨音窮抉反罪也。

目上反捨也。首豪由反乞丐下許近俱也。

捨音窮抉反罪也。

架險反以板木躡隘上尼晃煜六反明也。

晃煜上胡廣反下余明也。

泪急反同前水流急見立也。淹一益反乞丐下許近俱也。

捨音窮抉反罪也。

目上反捨也。首豪由反乞丐下許近俱也。

捨音窮抉反罪也。

大唐西域記卷第四

三藏法師玄奘奉詔譯

正 大總持寺沙門辯機撰

十五國

碣迦國

闍爛達羅國

至那僕底國

設多圖盧國

秣菟羅國

窣祫勤那國

婆羅吸摩補羅國

聖醯梨呾羅國

劫比他國

至那僕底國
屈居勿露多國

波理夜呾羅國
薩池泥濕伐羅國

礪迦國周萬餘里東據毗播奢河西臨信度河國大都城周二十餘里宜粳稻多宿麥出

金銀鎰石銅鐵時候暑熱土多風飄風俗暴急言辭鄙穢衣服鮮白所謂僑奢耶衣朝霞衣等少信佛法多事天神伽藍十所天祠數百此國已往多有福舍以贍貧匱或施藥或

施食口腹之資行旅無累

大城西南十四五里至奢羯羅故城垣堵雖壞基址尚固周二十餘里其中更築小城周六七里居人富饒即此國之故都也數百年前有王号摩醯邏矩羅唐言大族都治此城王諸印度有才智性勇烈隣境諸國莫不臣伏機務餘閑欲習佛法令於僧中推一俊德時諸僧徒莫敢應命少欲無爲不求聞達博學高明有懼威嚴是時王家舊僮染衣已久辭論清雅言談贍敏衆共推舉而以應命王曰我敬佛法遠訪名僧衆推此隸與我談論常謂僧中賢明肩比以今知之夫何敬哉於是宣

令五印度國繼是佛法並皆毀滅僧徒斥逐無復子遺

摩揭陀國婆羅阿迭多王唐言幻日崇敬佛法愛育黎元以大族王淫刑虐政自守壘場不供職貢時大族王治兵將討幻日王知其聲問告諸臣曰今聞寇至不忍鬪其兵也幸諸僚

庶赦而不罪賜此微軀潛行草澤言畢出宮依緣山野國中感恩慕從者數萬餘人棲竄海島大族王以兵付弟浮海往伐幻日王守其阨險輕騎誘戰金鼓一震奇兵四起生擒大族交接引現大族王自愧失道以衣蒙面幻日王踞師子牀群官周衛乃命侍臣告大

族曰汝露其面吾欲有辭大族對曰臣主易位怨敵相視既非交好何用面談再三告示終不從命於是宣令數其罪曰三寶福田四生攸賴苟任狼傾毀勝業福不祐汝見擒於我罪無可赦宜從刑辟時幻日王母博聞強識善達占相聞殺大族也疾告幻日王曰

我嘗聞大族奇姿多智欲一見之幻日王命
引大族至母宮中幻日母曰嗚呼大族幸勿
恥也世間無常榮辱更事吾猶汝母汝若吾
子宜去蒙衣一言面對大族曰昔爲敵國之
君今爲俘囚之虜驟廢王業亡滅宗祀上愧
先靈下慙黎庶誠恥面目俯仰天地不能自

喪故此蒙衣王母曰興廢隨時存亡有運以
心齊物則得喪俱忘以物齊心則毀譽更起
宜信業報與時推移去蒙對語或存軀命大
族謝曰苟以不才嗣膺王業刑政失道國祚
亡滅雖在繩紲之中尚貪旦夕之命敢承大
造面謝厚恩於是去蒙衣出其面王母曰子
其自愛當終介壽已而告幻日王曰先典有
訓宥過好生今大族王積惡雖久餘福未盡
若殺此人十二年中菜色相視然有中興之
氣終非大國之王當據北方有小國士幻日
王承慈母之命愍失國之君婢以稚女待以
殊禮揔其遺兵更加衛從來出海島大族王

弟還國自立大族失位藏竄山野北投迦濕
彌羅國迦濕彌羅王深加禮命愍以失國封
以上邑歲月既淹率其邑人矯殺迦濕彌羅
王而自尊立乘其戰勝之威西討健馱邏國
潛兵伏甲遂殺其王國族大臣誅鋤殄滅毀
塉堵波廢僧伽藍凡一千六百所兵殺之外
餘有九億人皆欲誅戮無遺噍類時諸輔佐
咸進諫曰大王威懾強敵兵不交鋒誅其首
惡黎庶何各願以微躬代所應死王曰沒信
佛法崇重冥福擬成佛果廣說本生欲傳我
惡於未來世乎汝宜復位勿有再辭於是
三億上族臨信度河岸殺之三億中族下沉
信度河流殺之三億下族分賜兵士於是持
其亡國之貨振旅而歸曾未改歲尋即殂落
殂落之時雲霧冥晦大地震動暴風奮發時
證果人愍而嘆曰枉殺無辜毀滅佛法墮無
間獄流轉未已

奢羯羅故城中有一伽藍僧徒百餘人並學

小乘法世親菩薩昔於此中製勝義諦論其側窣堵波高二百餘尺過去四佛於此說法又有四佛經行遺迹之所

伽藍西北五六里有窣堵波高二百餘尺無憂王之所建也是過去四佛說法之處

新都城東北十餘里至石窣堵波高二百餘尺無憂王之所建也是如來往北方行化中路止處印度記曰窣堵波中有多舍利或有齋日時放光明從此東行五百餘里至那僕底國北印度境

至那僕底國周二千餘里國大都城周十五里稼穡滋茂果木稀疎編戶安業國用豐贍氣序溫暑風俗怯弱學綜真俗信兼邪正伽藍十所天祠八所

昔迦膩色迦王之御字也聲振隣國威被殊俗河西蕃維畏威送質迦膩色迦王既得質子賞遇隆厚三時易館四兵警衛此國則質子各所居也故曰至那僕底唐漢對言質子所居

因爲國号此境已往洎諸印度土無梨桃質子所植因謂桃曰至那你唐言漢持來梨曰至那羅闍弗即遷王言漢故此國人深敬東土更相指告語是我先王本國人也

大城東南行五百餘里至荅蘇蘇伐那僧伽藍唐言漢僧徒三百餘人學說一切有部衆儀

肅穆德行清高小乘之學特爲博究賢劫千佛皆於此地集天人衆說深妙法釋迦如來涅槃之後第三百年中有迦多衍那舊言漢持來也論師者於此製發智論焉

闍林伽藍中有窣堵波高二百餘尺無憂王之所建也其側則有過去四佛座及經行遺迹之處小窣堵波諸大石室鱗次相望不詳其數並是劫初已來諸果聖人於此寂滅差難備舉齒骨猶在緜山伽藍周二十里佛舍利窣堵波數百千所連隅接影從此東北行百四五十里至闍爛達羅國北印度境闍爛達羅國東西千餘里南北八百餘里國

大都城周十二三里宜穀稼多梗稻林樹扶
疎花果茂盛氣序溫暑風俗剛烈容貌鄙陋
家室富饒伽藍五十餘所僧徒二千餘人大
小二乘專門習學天祠三所外道五百餘人
並塗灰之侶也此國先王崇敬外道其後遇
羅漢聞法信悟故中印度王體其淳信五印

五

度國三寶之事一以撫監混彼此忘愛惡督
察僧徒妙窮淑慝故道德著聞者竭誠敬仰
戒行虧犯者深加責罰聖迹之所並皆旌建
或窣堵波或僧伽藍印度境內無不周徧從
此東北踰峻嶺越洞谷經危途涉峻路行七
百餘里至屈_{居勿}_{度境}多國_{北印}

屈露多國周三千餘里山周四境國大都城
城周十四五里土地沃壤穀稼時播花果茂盛
卉木滋榮既隣雪山遂多珍藥出金銀赤銅
及火珠兩石氣序逾寒霜雪微降人貌鹿弊
既瘦且腫性剛猛尚氣勇仇藍二十餘所僧
徒千餘人多學大乘少習諸部天祠十五異

道雜居依巖據嶺石室相峙或羅漢所居或
仙人所止國中有窣堵波舞憂王之所建也
在昔如來曾至此國說法度人遺迹斯記從
此北路千八九百里道路危險踰山越谷至
洛護羅國此北二千餘里經途艱阻寒風飛
雪至秣羅娑國_{亦謂三波訥國}自屈露多國南行七

百餘里越大山濟大河至設多圖盧國_{北印度境}
設多圖盧國周二千餘里西臨大河國大都
城周十七八里穀稼殷盛果實繁茂多金銀
出珠珍服用鮮素裳衣綺靡氣序暑熱風俗
淳和人性善順上下有序敦信佛法誠心質
敬王城内外伽藍十所庭宇荒涼僧徒渺少

城東南三四里有窣堵波高二百餘尺無臺
王之所建也傍有過去四佛坐及經行遺迹
之所復從此西南行八百餘里至波理夜咀

羅國_{中印度境}

波理夜咀羅國周三千餘里國大都城周十
四五里宜穀稼豐宿麥有異稻種六十日而

收穫焉多牛羊少花果氣序暑熱風俗剛猛不尚學藝信奉外道王吠齊種也性勇烈多武略伽藍八所傾毀已甚僧徒寡少習學小乘天祠十餘所異道千餘人從此東行五百

餘里至秣菟羅國

中印度境

秣菟羅國周五千餘里國大都城周二十餘

里土地膏腴稼穡是務菴沒羅果家植成林雖同一名而有兩種小者生青熟黃大者始終青色出細班疋及黃金氣序暑熱風俗善順好修冥福崇德尚學伽藍二十餘所僧徒二千餘人大小二乘兼攻習學天祠五所異道雜居

有三窣堵波並無憂王所建也過去四佛遺迹甚多釋迦如來諸聖弟子遺身窣堵波謂舍利子舊曰舍利子又曰布刺擎梅呾麗衍尼弗呾羅唐言子舊曰滿慈子優波釐阿難陀羅怙羅舊曰羅子舊曰滿慈子多羅尼舊曰多羅尼子訛略也

曼殊室利唐言妙吉祥首曰曼殊尸舊曰曼殊首又曰羅子

利譯曰步諸菩薩窣堵波等每歲三長及月六齋僧徒相競率其同好賈持供具多營竒玩隨其所宗而致像設阿毗達磨衆供養舍利子習定之徒供養沒特伽羅子誦持經者供養滿慈子學毗柰耶衆供養優波釐諸苾芻尼供養阿難未受具戒者供養羅怙羅其學大乘者供養諸菩薩是日也諸窣堵波競修供養珠幡布列寶蓋駢羅香煙若雲花散如雨蔽虧日月震蕩谿谷國王大臣僧善爲務城東行五六里至一山伽藍疏崖爲室因谷爲門尊者鄔波鞠多唐言近謬之所建也其中則有如來指爪窣堵波

七
伽藍北巖間有石室高二十餘尺廣三十餘尺四十細籌填積其內尊者近護說法化導夫妻俱證羅漢果者乃下一籌異室別族雖證不記石室東南二十四五里至大涸池傍有窣堵波在昔如來行經此處時有猕猴持蜜奉佛佛令水和普偏大衆猕猴喜躍墮坑

而死乘茲福力得生人中

池北不遠大林中有過去四佛經行遺迹其側有舍利子沒特伽羅子等千二百五十五阿羅漢習定之處並建窣堵波以記遺迹如來在世屢遊此國說法之所並有封樹從此東北行五百餘里至薩他泥濕伐羅國中印度境

薩他泥濕伐羅國周七千餘里國大都城周二十餘里土地沃壤稼穡滋盛氣序溫暑風俗澆薄家室富饒競爲奢侈深閑幻術高尚異能多逐利少務農諸方奇貨多聚其國伽藍三所僧徒七百餘人並皆習學小乘法教天祠百餘所異道甚多

大城四周二百里內彼土之人謂爲福地聞諸先志曰昔五印度國二王分治境壤相侵干戈不息兩主合謀欲決兵戰以定雌雄以寧氓俗黎庶胥怨莫從君命王以爲衆庶者難與慮始也神可動物權可立功時有楚志素知高才密賛束帛命入後庭造作法書藏

諸巖穴歲月既久樹皆合拱王於朝坐告諸臣曰吾以不德忝居大位天帝垂照夢賜靈書今在其山藏於某嶺於是下令營求得書山林之下群官稱慶衆庶悅豫宣示遠近咸使聞知其大略曰夫生死無涯流轉無極含靈淪溺莫由自濟我以奇謀令離諸苦今此

王城周二百里古先帝世福利之地歲月極遠銘記湮滅生靈不悟遂沉苦海溺而不救夫何謂歟汝諸含識臨敵兵死得生人中多殺無辜受天福樂順孫孝子扶侍親老經遊此地獲福無窮功少福多如何失利一喪人身三途冥漠是故舍生各務修業於是人皆

兵戰視死如歸王遂下令招募勇烈兩國合戰積屍如莽迄于今時遺骸遍野時既古昔人骸偉大國俗相傳謂之福地

城西北四五里有窣堵波高二百餘尺無憂王之所建也輒皆黃赤色甚光淨中有如來舍利一升光明時照神迹多端

城南行百餘里至俱毘去聲茶僧伽藍重閣連
甍層臺間峙僧徒清肅威儀閑雅從此東北
行四百餘里至窣祿勤那國中印度境
窣祿勤那國周六千餘里東臨碗河北背
大山間牟那河中境而流國大都城周二十
餘里東臨闍牟那河荒蕪雖甚基址尚固土
地所產風氣所宜同薩他泥濕伐羅國人性
淳質宗信外道貴藝術尚福慧伽藍五所僧
徒千餘人多學小乘少習餘部商榷微言清
論玄奧異方俊彥尋論贊疑天祠百所異道
甚多

大城東南間牟那河西大伽藍東門外有窣
堵波無憂王之所建也如來在昔曾於此處
說法度人其側又一窣堵波中有如來髮爪
也舍利子沒特伽羅諸阿羅漢髮爪窣堵波
周其左右數十餘所如來寂滅之後此國爲
諸外道所詐誤焉信受邪法捐廢正見今有
五伽藍者乃異國論師與諸外道及婆羅門

論義勝處因此建焉間牟那河東行八百餘
里至碗河河源廣三四里東南流入海處
廣十餘里水色滄浪波濤浩汗靈怪雖多不
爲物害其味甘美細沙隨流彼俗書記謂之
福水罪咎雖積沐浴便除輕命自沉生天受
福死而投骸不墮惡趣揚波激流亡魂獲濟
時執師子國提婆菩薩深達實相得諸法性
愍諸愚夫來此導誘當是時也士女咸會少
長畢萃於河之濱揚波激流提婆菩薩和光
汲引俯首反激狀異衆人有外道曰吾子何
其異乎提婆菩薩曰吾父母親宗在執師子
國恐苦飢渴冀斯速濟諸外道曰吾子謬矣
曾不釋思妄行此事家國綿邈山川遼夐激
揚此水給濟彼飢其猶却行以求前及非所
聞也提婆菩薩曰幽途罪累尚蒙此水山川
雖阻如何不濟時諸外道知難謝屈捨邪見
受正法改過自新願奉教誨渡河東岸至秣
底補羅國中印度境

秣底補羅國周六千餘里國大都城周二十
餘里宜穀麥多花果氣序和暢風俗淳質崇
尚學藝深閑呪術信邪正者其徒相半王成
陀羅種也不信佛法敬事天神伽藍十餘所
僧徒八百餘人多學小乘教說一切有部天
祠五十餘所異道雜居

大城南四五里至小伽藍僧徒五十餘人昔
瞿拏鉢刺婆唐言德光論師於此作辯真等論凡
百餘部論師少而英傑長而弘敏博物強識
碩學多聞本習大乘未窮玄奧因覽毗婆沙
論退業而學小乘作數十部論破大乘綱紀
成小乘執著又製俗書數十餘部非斥先進
所作典論覃思佛經十數不決研精雖久疑
情未除時有提婆犀那唐言天軍羅漢往來覩史
多天德光願見慈氏波疑請益天軍以神通
力接上天宮既見慈氏長揖不禮天軍謂曰
慈氏菩薩次紹佛位何乃自高敢不致敬方
欲受業如何不屈德光對曰尊者此言誠爲

指誨然我具戒苾芻出家弟子慈氏菩薩受
天福樂非出家之侶而欲作禮恐非所宜菩
薩知其我慢心固非聞法器往來三返不得
決疑更請天軍重欲觀禮天軍惡其我慢憤
而不對德光既不遂心便起恚恨即趣山林
修發通定我慢未除不時證果

德光伽藍北三四里有大伽藍僧徒二百餘
人並學小乘法教是衆賢論師壽終之處論
師迦濕彌羅國人也聰敏博達幼傳雅譽特
深研究說一切有部毗婆沙論時有世親菩
薩一心玄道求解言外破毗婆沙師所執作
阿毗達磨俱舍論辭義善巧理致清高衆賢
循覽遂有心焉於是沉研鑽極十有二歲作
俱舍雹論二万五千頌凡八十万言矣所謂
言深致遠窮幽洞微告門人曰以我逸才持
我正論逐斥世親挫其鋒銳無令老叟獨擅
先名於是學徒四三俊彥持所作論推訪世
親世親是時在磔迦國奢羯羅城遠傳聲問

衆賢當至世親聞已即治行裝門人懷疑前進諫曰大師德高先哲名擅當時遠邇學徒莫不推謝今聞衆賢一何惶遽必有所下我曹厚顏世親曰吾今遠遊非避此子顧此國中無復鑒達衆賢後進也詭辯若流我襄耄矣莫能持論欲以一言頽其異執引至中印

十一

度對諸髦彥察乎真僞詳乎得失尋即命侶負笈遠遊衆賢論師常後一日至此伽藍忽覺氣喪於是裁書謝世親曰如來寂滅弟子部執傳其宗學各擅專門黨同道疾異部愚以寡昧猥承傳習覽所製阿毗達磨俱舍論破毗婆沙師大義輒不量力沉究彌年作爲

改題爲順正理論門人諫曰衆賢未沒大師遠迹既得其論又爲改題凡厥學徒何顏受愧世親菩薩欲除衆疑而說頌曰如師子王避豕遠逝二力勝負智者應知衆賢死已焚屍收骨於伽藍西北二百餘步菴役羅林中起窣堵波今猶現在

菴役羅林側有窣堵波毗末羅蜜多羅唐言無垢暢微言抑揚至理不毀所執得存遺文斯爲幸矣死何悔哉於是歷選門人有辭辯者而告之曰吾誠後學輕陵先達命也如何當從斯役汝持是書及所製論謝彼善薩代我悔過授辭適畢奄尔云亡門人奉書至世親所

而致辭曰我師衆賢已捨壽命遺言致書責躬謝客不墜其名非所敢望世親善薩覽書閱論沉吟久之謂門人曰衆賢論師聰敏後進理雖不足辭乃有餘我今欲破衆賢之論若指諸掌顧以垂終之託重其知難之辭苟緣大義存其宿志況乎此論發明我宗遂爲

也如何降年不永我無垢友猥承末學異時慕義曠代懷德世親雖設宗學尚傳我盡所知當制諸論令贍部洲諸學人等絕大乘稱滅世親名斯爲不朽用盡宿心說是語已心發狂亂五舌重出熱血流涌知命必終裁書悔曰夫大乘教者佛法之中究竟說也名味

十二

泯絕理致幽玄輕以愚昧駁斥先進業報皎然滅身宜矣敢告學人厥鑒斯在各慎余志無得懷疑大地爲震命遂終焉當其死處地陷爲坑同侶焚屍收骸旌建時有羅漢見而美曰惜哉苦哉今此論師任情執見毀惡大乘墮無間獄

國西北境陁伽河東岸有摩揭羅城周二十餘里居人殷盛清流交帶出銘石水精寶器去城不遠臨陁伽河有大天祠甚多靈異其中有他編石爲岸引陁伽水爲浦五印度人謂之陁伽河門生福減罪之所常有遠方數百千人集此躁囉樂善諸王建立福舍備珍

蓋儲聚藥惠施鰥寡周給孤獨從此北行三百餘里至婆羅吸摩補羅國北印度境大都城周二十餘里居人殷盛家室富饒土地沃壤稼穡時播出銘石水精氣序微寒風俗剛猛少學藝多逐利人性獵烈邪正雜信
伽藍五所僧徒寡少天祠十餘所異道雜居此國境北大雪山中有蘇伐刺擎瞿呾羅國唐言金氏出上黃金故以名焉東西長南北狹即東女國也廿以女爲王因以女爲國夫亦爲王不知政事丈夫唯征伐田種而已土宜宿麥多畜羊馬氣候寒烈人性躁暴東接土蕃

十三

國北接于闐國西接三波訶國從末底補羅國東南行四百餘里至瞿毗霜那國中印度境五里崇峻險固居人殷盛花林池沼往往相間氣序土宜同末底補羅國風俗淳質勤學好福多信外道求現在樂伽藍二所僧衆百

餘人並皆習學小乘法教天祠三十餘所異道雜居大城側故伽藍中有窣堵波無憂王之所建也高二百餘尺如來在昔於此一月說諸法要傍有過去四佛座及經行遺迹之處其側則有如來髮爪二窣堵波各高一丈餘自此東南行四百餘里至聖醯掣怛邏國

中印
度境

聖醯掣怛邏國周三千餘里國大都城周十七八里依據險固宜穀麥多林泉氣序和暢風俗淳質說道篤學多才博識伽藍十餘所僧徒千餘人習學小乘正量部法天祠九所異道三百餘人事自在天塗交之侶也城外龍池側有窣堵波無憂王之所建也是如來在昔為龍王七日於此說法其側有四小窣堵波是過去四佛座及經行遺迹之所自此南行二百六七十里渡碗河西南至此羅

中印
度境

毗羅刪擊國周二千餘里國大都城周十餘

里氣序土宜同聖醯掣怛邏國風俗猛暴人知學藝崇信外道少敬佛法伽藍二所僧徒三百人並皆習學大乘法教天祠五所異道雜居大城中故伽藍內有窣堵波基雖傾圮尚百餘尺無憂王之所建也如來在昔於此七日說蘊界處經之所其側則有過去四佛

座及經行遺迹斯在從此東南行二百餘里

至劫比他國

舊謂僧迦舍
國中印度境

劫比他國周二千餘里國大都城周二十餘里氣序土宜同毗羅刪擊國風俗淳和人多學藝伽藍四所僧徒千餘人並學小乘正量部法天祠十所異道雜居同共蓮事大自在

天城東二十餘里有大伽藍經製輪奐工窟剷剷聖形尊像務極莊嚴僧徒數百人學正量部法數万淨人宅居其側

古伽藍大垣內有三寶階南北列東面下是如來自三十三天降還也昔如來起自勝林上升天宮居善法堂為母說法過三月已將欲

下降天帝釋乃縱神力建立寶階中階黃金
左水精右白銀如來起善法堂從諸天衆發
中階而下大梵王執白拂履銀階而右侍天
帝釋持寶蓋蹈水精階而左侍天衆凌虛散
花讚德數百年前猶有階級逮至今時階沒
已盡諸國君王悲慨不遇壘以甄石飾以珍
寶於其故基擬昔寶階其高七十餘尺上起
精舍精舍中有石佛像而左右之階有釋梵
之像形擬厥初猶爲下勢傍有石柱高七十
餘尺無憂王所建也色紺光潤質堅密理上
作師子蹲踞向階騰鏤奇形周其方面隨人
罪福影現柱中

寶階側不遠有窣堵波是過去四佛座及經
行遺迹之所其側窣堵波如來在昔於此澡
浴其側精舍是如來入定之處
精舍側有大石基長五十步高七尺是如來
經行之處足所履迹皆有蓮花之文基左右
各有小窣堵波帝釋梵王之所建也

十五末

釋梵窣堵波前是蓮花色苾芻尼欲先見佛
化作轉輪王處如來自在天宮還瞻部洲也
時蘇部底唐言善現舊曰須扶提譯曰善吉也皆說也宴坐
石室竊自思曰今佛還降人天導從如我今
者何所宜行嘗聞佛說知諸法空體諸法性
是則以慧眼觀法身也時蓮花色苾芻尼欲
初見佛化爲轉輪王七寶導從四兵警衛至
世尊所復苾芻尼如來告曰汝非初見夫善
現者觀諸法空是見法身聖迹垣內靈異相
繼其大窣堵波東南有一池龍恒護聖迹既
有冥衛難以輕犯歲人自壞人莫能毀從此
西北行減二百里至羯若鞠闍國唐言曲城因中印

庚戌



大唐西域記卷第四

維音豆嚙才笑知煙時勇切摧音角註音卦